

又聞佛說法皆大歡欣禮佛而去

佛說老母女六英經

佛說菩薩逝經

西晉沙門 白法祖 譯

佛在雞山中與諸比丘五百人皆阿羅漢平旦皆着衣持鉢入城各行求食時城中有一豪富者國中第一所居高燥舍宅樓觀甚好垣墻周匝七重門字檀尼迦柰檀尼迦柰有子字逝年十六檀尼迦柰物故逝獨與母居

佛到檀尼迦柰家求食時逝在內第三門中住遙見佛來歡喜逝即心念言是人何以端正無比好乃余好如明月珠光明如日月其色如黃金好如月十五日盛滿時佛到住於門外逝便走入語其母言我見一人來大端正好天下無有輩我生以來未嘗見人如是

毀

五姓

十一

字

今在門外住欲求食逝語其母言我當與之其母大慳貪不肯與逝語其母言夫天下人慳貪無益於身是非恒人當與之母復不應逝復語母言是人過度天下之師也與是人者如病者得善醫逝語母言當用我故與之是人名聞於天下今續在門外住其母復不肯與逝數語母母大瞋恚語逝言汝媿我不止者令我煩亂是人不用食故來但欲調若耳若小兒當何等知若所索不止會得我捶杖乃止佛預知母慳貪佛放威神徹照七重門內逝見佛光明心即開解逝即復到母所語其母言愚人不知布施譬如盲人墮火中其人但坐盲無目故耳世間人但坐慳貪心念惡口言惡身行惡愚人不信於佛不信於經死後皆入地獄畜生鬼神中人不慳貪身行善口言善心念善續自得其福人有智者當供養飯食佛人常當與智者相隨令人有知逝語母言不肯與者自持我今日飯分來

我今日不食自持我分與之疾持我分來我恐是人便棄我去是人難得值母復不肯與逝便自往取飯及所着細好氎衣持出至佛所前以頭面着佛足却住叉手白佛言持我所有衣被飯食願上佛佛默然不應逝復白佛言今佛是天下人之父母當度脫我曹哀

爲受之當令我得其福如是者三佛便受逝衣被飯食逝大歡喜佛語逝言諸慳貪者若皆伏之若今日施佛衣被飯食使若得心中所願逝大歡喜復白佛言我心亦不願作第二忉利天王釋亦不願梵天亦不願世間豪貴願使我光明智慧如佛佛言大善若心所

願皆得之天王釋聞逝言即在佛後叉手住釋於佛前語逝言若欲求作佛者甚難得十劫百劫千劫万劫億劫尚未能得佛今汝持小飯食衣被與佛汝便欲作佛不可得也釋復語逝言若持四寶如須彌山布施復慈心念天下十万劫百万劫千万劫若尚未能得

毀

五姓

主

早

佛逝報釋言譬如工師持斧入山斫樹木會當索取好直可意乃取耳逝語釋言我亦不用一飯食衣被與佛故欲得作佛也我常持善心精進思惟不懈會當得佛釋復報逝言若欲求佛勤苦不如求梵釋天也逝復報釋言若見閻浮利內不令滿其中火上至天持

我身投其中會求作佛終不止釋報言若令閻浮利內滿其中火是中有人民畜生及蝮飛蠕動之類汝不當殺之汝反心念惡當入地獄中汝當那得佛逝復報言世間人民及蝮飛蠕動之類我持慈心皆付彌勒佛彌勒佛自當度脫之我求佛道會不止逝復語釋言梵釋天王雖尊會歸無常無有脫於死者釋便叉手報逝言卿持心志堅乃尔念欲求佛不止卿會當得佛逝復報釋言若莫持天上自貢高復有勝若者逝言我持慈心精進不懈求佛者會當得作佛釋便默然無所復語佛便語逝言汝前後所供養飯食凡六万

佛汝心常願欲作佛汝常持善心供養於佛
 佛語逝言却後二百万億劫汝不復更入地
 獄畜生鬼神中佛復語逝言汝常持慈心供
 養佛若後當作金輪王當有十小國王皆屬
 若當食四天下常當飛行所行皆正壽盡當
 生梵天及兜術天上天上壽盡當復下生作

聖 五經

十二

聖

金輪王壽盡當復上梵天如是上下二百万
 億劫竟汝當作佛号須彌加羅度脫天上天
 下人民若生墮地光明當照三千須彌山上
 至二十八天天地皆為大動晝夜皆明時人
 皆壽七千億歲若身當長二百丈當有万二
 千城城皆四百八十里城門皆着刻鏤皆七

寶若為佛時當再會諸沙門說經第一會說
 經時六千億沙門皆得阿羅漢道第二會說
 經時四千億沙門皆得阿羅漢道當尔時人
 民無有偷盜者男子女人皆同心人民無有
 作惡者諸惡道勤苦之處皆悉閉塞亦無有
 山林谿谷地皆平正人民無有疾病無有憂

苦人民皆快樂所居皆自守天日三兩裁淹
 塵人民欲所議語皆相聚會夏月不大熱冬
 月不大寒適得其中所講授精舍名難提陀
 若有人布施與佛阿羅漢欲求作佛辟支佛
 阿羅漢皆可得佛道不可不求佛智不可稱
 量十方無窮極佛智亦如是無有窮極天下
 人不知生從何所來亦不知死趣何道佛說
 經已逝及諸比丘天王釋皆為佛作禮

菩薩逝經

毀二

無字法門經

釋音

輻

音唐指 下音綠唐徒也 空也指弃也

嘉興府華亭縣郭巴西門埭洞橋東街北首南居住奉
 三寶弟子馬俊妻朱氏百十娘男顯祖媳婦陳氏十二娘孫
 男阿龍與家眷等發心施財參拾貫文恭入
 平江府積善延聖院寶藏經坊刊造
 大東遍照光明藏無字法門經板一卷流通印誦所集功德
 祝獻

三界龍天十方真宰家堂侍奉香火一切福德聖賢合家奉
 命吉凶星斗保挾家門清吉長幼咸安然後
 四恩俱報三有齊資者

嘉熙二年九月 日弟子馬俊等

謹題

